

Jeli Imaogsis

Ogsitgamog Seso-

goli Isagmamino

1. GAPLIEL.

Gesgemenag segeonog temg eli mesoasit ogtatapen, tan oigoptjig ligasiteo gisi pagtatagel; oitjei Gisolg nigani igimassenel San Patisal gesgemenag pegisinilgel Genisgaminan, nigantog ogpemben ag ogtaogtil ilaten. Gis sag nigani gtjijtjegeoinog inset-ocatisenel, telitelakatisenel: Ola temg niganagnimatal Oestaelgol. Ongigog eta lög sapeoipenig, Sagali ag Elisapet telotipenig, ola gitjino Mali eodgomatilis; eltagatgesenig otantjijtj Aingalimeg, gislog teloittemeg Gemteneoel Saneoaigi 6 milal oetjategemg Seloalemg. Nige oegela mögoetj oenitjanogsepenig, glapis gisi pgitji alasetmatipenig, Gisolgol ignemagoitipenel ognemlan San Patisal ogoitjtjel maol sapeoititjel; na negem ninasonos oasög, na negem pagalal sapeoinoip; na negem ogtetjgeoei tan saoaeci lagotagan tlei.

Ola oison San Iesoipeoei gelosoagan eta (Soanan) tan teloeg 'Gtjinisgam oelaloet,' sgato Elisapet 'Nisgam gtjisapeoit,' ag Sagali 'Nisgam migoitel-mot.' Ansema migoitelmasenel Gisolgol, tan mo teloigsepe tan telotipenig negela pigoeigepenig Iesoipeoi patlihasig emtesgoititig, ogsitgamogeeol siaoi gsitetititsisenel. Negem tög Sagali tan Iesoipeoi oli patliaseoip amsgoes mesnegsepe agnotemagan, ogsetögön elnoegatig ogtigan.

Negela tliisip ögotj tögöageg natami sist atjieteg gisi miaologoeg, gtjiansaleoit Gapiel natagnotemoasenel Sagalial tan Gisolgol ignemagotal onitjanin. Sgato negem teli pagalait, tjel mo semtog gisi getlamset,siog, glapis aniapsetolet eoli poni ntaoustög tjel gepistaganat. Eln tepetog tesigel, telatigel, San oesgitjinoit gisi sapeoaloteg ogoitjel ogtelamilog. Tliisip Sagali minoi gelosit ag emtögoalatjel Gtjinisgamel.

Telgig gisi tetapotesege asogömeoei tepgenoset pemieteg, oitjei gtjiansaleoit natji mitgoalasenel nasgoelteg Malial Nasaletga maol gelogg gtjigan-tijtj Galliteoeia. Na gelosoagan teloeg 'oisaol nigeig.'

Tliisip Mall enaseniga ongligoa, Soas-

enög ag Anög. Mögoetj etog soei nenocamegsepe ogsitgamog; sgato an-saleoftjig pagalamatisenel meltami sapeoitipenel, oetjili gelosipenel, Gisolg onitjantjitel lög gesalgotipenel. Gis gisi nepsetgoaloteg gtjialasotmögöemigtog, tliisip getci malieoipenel Sösepal galoseoinol, Tapitög oetapeg-silipenel istege elp negem Mali. Metj sgato aptji oli animatjipenig espi oagam elmgoeigtog, istege maol olmetög oitjigtitjig; meta Mali metj nasgoetog, ag Sösep öa sig ninasonos oli notjelcan. Gapiel tög natagnotemoas-enel Malial tan Oetjiloli Nisgameoigtog ogvisielital, tög na negem oitjei maol espeg Gtjinisgam ogoisel. Pagalait eta eoli nasgoet tlia mögoetj metgemog, meöoitj meögi getlamsetasit semtog, nestog ögotj telgig otmittemelitj tanel oasög epilitjel, ag negem metj gisi nasgoeteo iaptjio. Gollaman oelitetgel oegela mesgigel gögöel ogteleagan, teloet: 'Tliatj tög nöininigtog tan telapogoesepe.'

Tliisip ogtelamilog Eogtjit Nisgam elaoasis.

Na oison Mall teloeg 'lög gelosit, sagmasgöoit, notji oasgoaloeit, elp mesgetasotiei apagt;' sgato Ann 'oli sapeoit;' Soasen 'Gisolg li melgigen-eoalatj ag espalatj;' Sösep 'metj pmi-atjietj;' Gapiel 'Nisgam teligenat.' Na tög ola gtjiansaleoit Nisgameoig-nöti oetji msenegsepe ognatagnotemen oegela tapogol pagalaitoli.

Sonmbing egimotjig 15 pagalaitoli angitetemegel. Elp 7 tesigel gisi olit-asoagenel ag 7 tesigel gisi omnatjitas-oaganel ogtinineoel-gitjino Mali egitemegel, tögö aptj tesigel ogtinineoel Sapeoit Sösep.

Ola tög Agnotematimeoei lei pagalaitoli ag lei gisi olitasoagan ogtijt gitjino Mali.

Tet nigetj gitemenetj negela tapon-emögel Gapiel teli oli agnotgesenel.

S. LOG (1) TEOIGIGES:

(S. Luc, I, 1-38)

Meta pigoeigig atignetemittis li agnotemitineo negela gögoel tan emot-igo gisgatjigtsepenel teli ginoatölgöpenig tangig amsgoes negemöo teli nemitagapenig, tögö gelosoagenel notjötemitipenel; nin elp telitetemep, gisi tetögotemanel meltamtog mset gögoel, oegela ngöcatji oigemolin, gil Teöpil maol gelosin; ogtjiatj gagi nememen tan telialgal tanel gis teli gin-amasinel.

Tan tliisip Elötög Iesoipeoagig elege-oteoiteg, patlihasag elgesenag Apial

oetapagmitisena, Sagaliôg teloisisena; môgo otepitema Alôna! elp oetapegssisena, Elisapetôg teloisisent; gitg eta sapoelpenig Gisolgol osgalog, tesig tpeletoganigtog bel penatpenig, ag tesigel Gtjisagmal telgmoeliljel negemôô gôpôatji tleilisenigel, môgoetj gisi natalitebunagsepenig; sgato mo oentjanigronig, Elisapet ôgotj mesi pmales ag gitg lôg gisigolpenig na tliisip.

Tôgo tetapotessges Sagali opatlaseol ogoen oitjeianseni oetapagmititji Gisolgol ogplaganeg, totjio negera elagatarnes (telegsepenig ôgotj negela patlasigig, eplesgan Gtjisagmaoi alasotmôpôomg ogtigalan pcol ochmalitjel gess mset maioimî etli akasotmassemg gônjnog, aoloppôgôsigemeg patlitesg. Tliisip Gtjisagmao otansalem l eli mesoast-enal ogtining, inxanel aoloppôgôsigemî pataloti gaganisenel. Teli nemiteges Sagali oetji sespetasts ag oisgi gsi oegontasis; sgato ansaleoilijel telensepenel; 'Mo ogoogcutasio, Sagali, meta gis teltaougteman notemolkep, ag Elisapet taposig ogoisiteo ogtjit gil ag tloitateg. San ogtji oitastitesg gil ag ossegeoinôgsitesg, pigoeltag elp ogtjitolitasolotag osgitjinolijta; negem ôgotj msegilteo Gtjisagmal osgalog; môgôpog na malgôtomog gisna tan gôgoeigetgaloeg, tôgo Oetjioi Nisgamel gis otjoalogotal tjel ogoitjel ogtelamiloga; ag gioansgoitjalata pigoelmita Islel onitjanga Gtjisagmaoigtogel onisgamoal; ag negem pa tli niganasiteo ogtining, E'tôg teli sapeoilitteg ag ellegenaliteg, ogisi gioansgoitjatoan gisigo ogoamlamomel onitjantjioagel ag tli srolata elistcaititji onsepi eli nsetoittilin gôgoatmetoititji; ogtji ilatoatal gelog maioimî Gtjisagmal.' Tôgo tliisip Sagali telmasenel ansaleoilijtel: 'Tali gtitjittotes nin ogtellan ana? nin ôgotj gisigol ag elp nigmatj lôg gisigolsgoôft.' Ansaleoil asitegelolaseenel elasenel: 'Nin eta Gaptieol tan Gisolg ogplaganeg metj' etligamî, na negem oetlohit natagnotemolanel oegela tesigel; gil tôg ma ntaoeon nogotj ag ma gisi gelosion anisôgotj na nagoeg igag tan totjio tliateo na; meta môgoetj getlamsetasion telbel, tan gagi gisgatjlateo mi-amotj elmi tetapolaga.'

Na tliisip mset maioimî pemessipatisenel Sagalial ag pagalatetemoatisenel gtjialasotmôgôomg ogteli pgitgatemelin, ag gisi toieteg mesi gelogoitisenel, oetji nenemitis, ogpagalaptegelin alasotmôgôomg. Tôgo negem eli matjatomaseniga ag negao mesi ntaoes elpaa. Me sgato tetapotessges, gisi gagi patlaseologoeteg, oig elnies

ag mo pegitjomog ogtepitemel Elisapet oentjaniteg teli pgitji aligasis glapis manilitji tpegeneselitji, teloeteg: 'Thu eta teloelip Gtjisagmao oegela nagoegel, teli otapasip nining, ogtji gsegatoin tan teli nageleip nemotigga.'

Asogômetei tpegenoset pemieteg. Gtjisagmaoigtog oetloos Gaptiel gtjianaleoil Galteloeol gtjigantjijteg Nasalet teloisigsepeneg, natagnotemasenel oeli nagoelitet getoi malicoilitteg tjinemol, tan teloisig Sôsep. Tapital oig telgsepenel; tôgo nagoel Mali teloisig. Gisi pasgoateg elmelis-enel telmasenel: Tôg olsien gil sapeoitil ootjiorrel, Gtjisagmao tegoeiasg epitjig netjiliteomogsin.' Teli notemateg oetji sespetasis eli angitetgas tan telamogsepeneg telgig oegageltimugeoeteg; ansaleoilijtel telsepenel: 'Mo gesoetegoa, Mali, elm ôgotj gis oetjitesep Nisgam golanigon; gil tôg ogoisitesg ag gtinibigtog ogtji osgitjinoiteo tan telaitatesg Sesos; na negem Gisolgol Nisgamel igamagotal otjel Tapitôg ogotjotmigtog ogtetligisgatpasin, ag iaptjio pa Sagôp oigtog tli alsositeo ag ogtalsosotim ma gisi ponianeg.' Tôgo ansaleoiltag telinsepenel Malial: 'Tali gisiateo teljmin? meta nin tjinem mo nenoag.'

Ansaleoilijtel teli asitegelolsepenel: 'Santeolamoti gtininigtog li nkasiteo ag tliisip nisgameoignôti gtjipgetalg tlei mseta algonatoliteo tesin; na ogtjit santeoit tan gtininigtog ogtji osgitjinoiteo Gtjinisgam ogoisel tloitate. Getj 'Elisapet eodgomatiôg gis elp mitjoatitjel eioatjel teli gisigolsodoitjel ag tan temg oitos mo nigitag asogôm tes tpegenesetjig ogpemaloen, meta Gisolgol môgoetj elpa gisi ntaoi mesigog.' Na pa Malôg esenag: 'Nin na oenagômit Gtjisagmao nînin, tliatj tôg ntiminigtog telapogoesep.' Na totjio ansaleoiltag oetji pôtamgasis elmelitet.

AGNOTEMAGANTJITJEL

OEGÔPEGITG lno sagmao Sôsep Gol mo lnim gesi olelog, gato me gisi logoet gitjga.

GOSPEMIG—12, 10—Tiamoeagatiteog neotetjit getgonit pteoidgtog na tiamo petjitalitji ellisinga, gato môgoe gisi talalagol, meta elt negem getantji gato môgoe gisi talalagogol.

EPEGGITG—Rev. John A. McDonald, P. P. Grand River, Lot 14, notjeloatji lno nigmaga. Mteln tesitjig tjel asogôm oesoatottitj sohnaltitj, Agostin Pelnal ag Piel Lapôp menag oltamegig.

LISTOGOTJG enligböatisenig ge-
 tligao gotjino patlias Maurice tan pe-
 gitji alsositag tet ag oellmaseniga
 sgoleoltliliga. Elp sagmao pastonge-
 oati Sösep Marrett tan notjötj; soli-
 eoei molligtog tjel. Tögo tapositjig
 moliang oetjitatig. H. A. Cholette ag
 L. A. E. Godin. Net ogtetig tan maol
 alsositesso patliasigoag ogtinineoag
 jemotjig oetjiet. Elp Marcell potos-
 oino ag oigmatja gameg ag tet nem-
 otjig negela nagoegei.

MAOI ELAGATMGEG ögtj 26. tes.
 somningeoei tepp. otjiet gantaoagig
 gepelnoleoag, oitjeg pisgoetatjig, Lau-
 rier nigampogoit, 63 teli atji pigoeigig
 negemeoag.

ALASOTMELSEOANETJ

Pagtengeg—24 misel tepp.—tjinemag
 nepgag teloisitag Sapiel. Tjo tetotje-
 gag 47. Sgrentog otapsongel gisi no-
 ligasigel somningeoei tepp. 11 tes.
 solleoeleg gisittasigeg \$40 patlias oes-
 oatög \$20 otjiet otalamesemela, na es-
 gölag epst ighemoteg, Malitj Tjö, tan
 elp neote alames oetjioigtogep listo-
 götjig. Elp Sösep Loi oigtogep neote
 otjiet otosa gsin neppena Plisitöga.

Legil Gapiel Pal otosag neppenag
 ämsogeg etateg septimplög, pä sig gisi
 osgitjinoitj mitjotatij tan tepio nep-
 gig ogtitja, gäto gisi sigentasitag ag
 patlias pegisingag, ntögö gigt gisi
 lögoatja. Matlen Planes teloisitag
 neotjipongeg ogisi malieoin; mesgig
 onmatjiasougan ignemoax otja ag og-
 sitja.

ÖDGÖpegiftg gefjigaoigel tjinemag
 nepgag Noel Moïn teloisitag; ögo lög
 gelolgeg otgötamegga, tjel patlias ot-
 gotaläta, fögu pogöelgig minnatjomo-
 giga, tjel sagmao segepenegatigeoatj
 eiger ag pigotog elp oetjitatig.

MAOI MFOI AGNOTEMAGAN

GTJIGANG onanagig—12 somn.
 tepp.—epitag nepgag Mall Pegög Tjan
 Gamel oigmatja, sgato mögoetj tögo-
 nasitigao, meta telegag istagetj atji
 gsatgel aleimg, mögoetj gisi gelgate-
 mogog oigoaga, meta telapteg oig-
 pemgeoeiega, ag tjel oegao gagisg pi-
 tjalotag laplosontigoga; sgato gespi
 pitjalot tjönög manitjig feppenasetjig
 teli pgitj pisitag teoalgalot 10 tes.
 agtöpel. Na aptj elmigisseg magna-
 mat neotjigisseg gtjigang; na oapge-
 entieoimg pegising Inoigtog, tefli npat
 misögo neo atjfelitj nagoselitjel oel-
 ago; na aptj pögtangasit elimfemat
 gtjigangela. Na ninen Inoieg, tefli ges-
 pi nemiget; gäto aptj essitpog gisi eg-
 entieoimg igag agnotemagan nepgag
 Mall Pegöga, aglasfeog oetjitatjel ag
 megenatitjel, igalot gtjigana tan itel
 angöelotj npolnöga misögo nesogom-
 äg, ag oetjitatig notaptagatigga ag

malpaleoitjig. Gato mögoetj ninen
 getjlagitig tan telamatitja; eln tep-
 etog tan nemitoeg etog soel pogteoi-
 tji nepona; metj tjel mögoetj igala-
 megag tan lapatasig magnigeoa; gol-
 aman ninen ensema etjelatagetieg;
 mögoetj gistel apögonemoagetag tan
 ninen teli apögonematoltieg; ninen
 Inoieg oen nepga, gäto tan maol gel-
 olgemineng telatagetieg otjiet tan teli
 gisigalot magnigeoa.

Na nigmatot, pogteoitj totjio peg-
 isolatji mitjijagmtja. Migotetemot-
 inetj tög na neotonemiga maoen san-
 ogaotj pogteoitjga.

Na nin teli eoli otagnotemagenmi,
 nigmatot, eln tepetog gsattes aptj tan
 teli pgitj ignemoitj Gisolg mo telam-
 ogten eolger agnotemagen; nin maol
 etgetesgem pogteoitjig gtjiganga. J.
 M. L.

Ag nür patlias öla gelosoagen tet
 atjato. Aptj gteg oetji npeg mentoei
 pogteoitjigtog; Mögoetj etog; aca-
 tascatememeg tan tapositig teli eoli
 npegig mantenga, tefli oigasig No.
 254. Aptj gtegig tlöktieg, no ang-
 elasoltogop. Pexsitetemenetj tög po-
 gteitjig ag tanig nigtoaltitj mo ona-
 gatji apigsigtatineo otjiet Gisolgga,
 otjiatj ogisi ölf oantag pmaogsoltineo
 ag ogisi oetjifoneo pilcel upoagana.

MENTOAGIGEÖEI

IGNEMATIMGEOEV

(de l'Auction Sociale, 14 Oct. 08)

Lög öini älsosin gil, tan genäp-
 om pogteoitjig ignemat; na pa mä-
 goetj mitjptjeoei, nögoetj meigane-
 oaloenog, ma tali otapsinög; eln tep-
 etog metj getjigaloeg; netna men-
 toagigeoei ignematimgeoei.

Lög öini gsaloen gil, tan gitap gisna
 gignatj oetji apögnemat pogteoitjig;
 mögoetj ögotj mitjptjeoei, mögoetj
 melgmedaloenog, ma tali otapsinög;
 eln tepetog eloeoaloeg; netna mento-
 agigeoei ignematimgeoei.

Lög öini gisigoin gil, tan genitja-
 ntjigt, naganamatjig; eln pa mögoe
 an oetjatemag meioitj mset oen
 eponeg oetji pgisotot, ptilio eoljetj
 maltjeotj; netna mentoagigeoei ig-
 nematimgeoei.

The Micmac Messenger will receive
 a limited amount of advertising at
 the following rates:—

Reading Notices, 10c. per line; Dis-
 play Advertisements, .50 cts. per inch;
 Reading Notices, per line, 1 year \$1;
 Display Advertisements, per inch, 1
 year \$3.00. Printed in English, French
 and Micmac, or either at will.

Parties wishing to reach the Mic-
 macs of Quebec, New Brunswick,
 Nova Scotia and Newfoundland will
 find this an excellent medium.